



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVII. Diluitur argumentum quintum Caluini.

[urn:nbn:de:hbz:466:1-54092](https://nbn-resolving.de/urn/resolver.pl?urn=urn:nbn:de:hbz:466:1-54092)

confiteri ac dicere, Peccator sum: sed oportere quantum in nobis est, singula peccata accuratè confiteri. Quod idem Catholici omnes docent de Confessione quæ sit Sacerdoti. Neque enim iubent omnia omnino peccata enumerari, sed ea solum, quæ post diligentem excussionem memoriae occurunt: diligentem autem excussionem vocant, quam in rebus grauioribus ordinariè homines adhibere solent. Denique id solum iubent, ut peccata omnia, quantum in nobis est (qua phrasí Caluinus vtitur in explicanda Confessione quæ Deo sit) enumeremus, dum coram Sacerdote conscientiam nostram aperiemus.

Quæcunque igitur Caluinus obiicit contra enumerationem peccatorum in Confessione quæ sit homini, eadem obiici possunt contra enumerationem peccatorum in Confessione quæ sit Deo. Nam si illa enumeratio est impossibilis, & hæc est impossibilis: si illa est crudelis carnificina, & hæc est crudelis carnificina: si illa facit hypocritas, & hæc facit hypocritas: & contrà, si hæc ab his incommodis libera est (ut Caluinus dicere cogitur) quia non est facienda, nisi quantum in nobis est; & illa ab his incommodis libera est, quia non est facienda nisi quantum in nobis est: & quemadmodum in Confessione quæ Deo soli fit, post enumerationem eorum, quæ recordamur, addimus: *Delicta quis intelligit? ab occultis munda me Domine*, &c. *Peccavi super numerum arenas maris:* & tamen omnium peccatorum indulgentiam exspectamus: sic etiam in Confessione quæ sit homini, vel potius per hominem Deo: post enumerationem eorum quæ recordamur, addimus: *Delicta quis intelligit, &c.* nihilominus integrum peccatorum omnium indulgentiam exspectamus.

CAPVT XVII.

Diluitur argumentum quintum Caluini.

VITIMA Caluini obiectio habetur in eadem sectione 18. vbi ex verbo Dei iactat se demonstrasse, sine Confessione aut eius voto, posse homines iustificari: *Non alia, inquit, nunc est peccatorum remissio, quam semper fuit.* Quotquot remissione peccatorum à

Xxxxx 4

Christo

Christo obtinuisse leguntur, non leguntur in aurem sacrificii cuiusdam confessi, nec sanè confiteri poterant, ubi nec sacramentuli Confessionarij erant, nec ipsa etiam Confessio. Et multis postea seculis inaudita fuit hac Confessio, quibus sine hac conditione remittebantur peccata. Sed ne quasi de re dubia loqui disceperemus, Verbum Dei apertum est, quod aeternum manet: Quotiescumque ingemuerit peccator, omnium iniquitatem eius non recordabor. Huic verbo, qui aliquid andet ad cere, non peccata ligat, sed Domini misericordiam.

HAEC obiectio quatuor quasi membris continetur, quae singillatim excutienda sunt. PRIMVM assumit Caluinus, non aliam esse nunc remissionem peccatorum, quam semper fuit: & quia Confessio auricularis non semper fuit, inde colligi vult, eam non esse ad iustificationem impij necessariam.

SED si haec argumentatio aliquid vere concluderet, non solum Confessio, sed etiam Baptismus in discrimen adducatur: nam ut Confessio, ita etiam Baptismus non semper fuit, & tamen scriptum legimus Ioan. 3. *Nisi quis renatus fuerit aqua & Spiritu sancto, non intrabit in regnum cœlorum*, quæ tempore legis veteris nusquam legebantur. Quare si nunc est remissio peccatorum, quæ semper fuit; aut Baptismus nunc necessarius non est, & Christus (quod absit) mentitur; aut ab initio seculi, Baptismus ex aqua & Spiritu sancto necessarius fuit, quod nemo sanæ mentis dicere potest. Quidammodum autem ex Euangelio demonstramus, nunc Baptismum ad remissionem peccatorum requiri, qui in lege veteri non requiebatur; quia scriptum est: *Nisi quis renatus fuerit, &c.* sic etiam ex Euangelio demonstramus, Confessionem peccatorum ad iustificationem hoc tempore necessariam esse, quæ tempore Patrum Testamenti veteris necessaria non erat: quia scriptum est Ioan. 2. 0. *Quorum remiseritis peccata, remittuntur eis, & quorum retinueritis, retenta sunt quod in lege veteri scriptum non erat.*

DEINDE assumit Caluinus, eos omnes, quibus Christus peccata dimisit, sine Confessione auriculari iustificatos fuisse: ex quo concludi vult, nunc etiam sine Confessione auriculari homines iustificari posse.

SED

SED facilis est solutio, eaque triplex. PRIMVM enim, quo tempore Christus propriæ vocis ministerio homines iustificabat, nondum Sacramentum Confessionis instituerat: proinde nihil est mirum, si absque Confessione pœnitentes reconciliauit. DEINDE Christus auctor Sacramentorum, à Sacramentis suis non dependebat, & ideo non modò sine Confessione, sed etiam sine Baptismo peccata interdum remittebat. DENIQUE Christus Deus erat, & ideo peccata contra se, suamque legem facta, simpliciter donare poterat: nos autem ministri sumus, neque vt Domini, sed vt Iudices à Domino constituti, vel soluimus, vel ligamus; quare necesse habemus, causas diligenter expendere, & ex ipsa reorum Confessione diudicare, quid in re tanta sit nobis agendum, ne forte perpetram ligemus, aut soluamus, & dum hominibus peccata remittimus, Dominum offendamus.

TERTIO Caluinus assumit, multis postea seculis inaudita fuisse hanc Confessionem.

SED hoc falsum esse Caluinus ipse testatus est in hoc eodem capite §. 7. cùm ait: *Miror qua fronte ausint contendere, Confessionem, de qua loquuntur, Iuris esse diuini: cum equidem vetustissimum esse vsu. n fatemur.* & quamvis id Caluinus non diceret, testimonia a nobis allata, Irenæi, Tertulliani, Origenis, Cypriani, & aliorum, ad quæ Caluinus respexit, cum usum Confessionis, de qua loquimur, vetustissimum esse confessus est, planè euincerent, falsum esse quod hoc loco idem Caluinus ait, multis seculis post Christum inauditam fuisse hanc Confessionem.

QUARTO denique adiungit verba illa Ezechielis, cap. 33.
Quotiescumq; ingemuerit peccator, omnium iniquitatuum eius non recordabor. ex quibus euidenter conclaudi existimat, sine Confessione aut eius voto, remitti posse peccata.

SED hoc argumentum adeò non timuit S. Leo, vt in eadem epist. 91. ad Theodorum, hunc ipsum locum Ezechielis adduxerit, ubi paulo antè scriperat, Deum ordinasse, vt sine Sacerdotum supplicatione indulgentia diuina nequeat obtineri. Et iure non venit in mentem sancto Leoni, vt hoc argumentum timeret, cùm non ignoraret neminem esse, qui ve
oportet, ingemiscat, qui non cupiat ea remedia animæ suæ

vulneribus applicari, quæ Deus pro temporum varietate in stituit. Alioqui si simpliciter gemitus quicunque sufficeret a salutem, non solum Confessio, sed etiam Baptismus necessarius non esset: addo etiam, sine fide, spe, & charitate homine iustificandos; quis enim prohibet, quo minus ob solum temporale damnum aliquis ingemiscat? Quemadmodum igitur in eo gemitu, cui salus à Deo promittitur, includitur fides, spes, charitas, peccati detestatio, & propositum vitæ melioris, ita etiam Baptismi aut Confessionis votum ac propositum continetur: & sicut non addit ad verba Domini, sed illa congruerter exponit, qui ad iustificationem præter gemitum, sibi dem, spem, charitatem, & alia quæ diximus, exigit; sic etiam non addit, sed exponit, qui præter gemitum, votum Baptismi aut Confessionis requirit.

CAPVT XVIII.

Diluitur I. obiectio Martini Kemnitij.

MARTINVS Kemnitius in 2. part. Exam. pag. 96 & sequentibus, multa argumenta contra necessitatem Confessionis adducit, quæ cùm ex Calvini Institutionibus ferè deprompta sint, dissoluta iudicii possunt. Percurram nihilominus omnia, ut vel ea soluam, vel iam soluta esse ostendam.

PRIMA obiectio habetur pag. 986. vbi hoc argumentum Kemnitius facit: *Non aliter Christus Apostolos misit, quam ipse missus fuerat. Ioan. 20. Sicut misit me Pater, & ego misso vos. At ipse ad generalem confessionem, vel ore, vel signis alii expressam; Absolutionem imperiebatur, neq; singulorum peccatorum enumerationem exigebat, & patet Luca 7. de peccatrice, & Matth. 9. de Paralytico: non igitur debent Ministri pœnitentibus exigere singulorum peccatorum enumerationem.*

RESPONDEO, verba illa: *Sicut misit me Pater, & ego misso vos, non ita accipienda esse, quasi eodem modo debuerint Apostoli omnia facere, quo à Christo ipso fiebant: aliquicunq; non debuissent, Actor. 2. Apostoli baptizare in remissione peccatorum, quia Christus sine Baptismo peccata remisit.*